

کورلر مکتبده آلتی معلم ، بر معلمه ؛ دیلسزلر مکتبده سکر معلم بر معلمه واردر . بونلره ویریلان معاشات ۹۰۰ فرانقین ۴۲۰۰ فرانقه قدردر .

صوفیه
مخبر مخصوص
احمد حمیدی

مسلمان قرداشلریمزه

مطالعه ایتیمکده اولدیغمز صباح غزته سنک اعلانات صحیفه سنده « قورک ات صوبی دانهلری » اعلانی کوزیمزه ایلشیدی . دینورکه : « ات فیثانک یوکسک اولدینی زمانلرده هیچ برأو قادینی « قور » ات صوبی دانهلرندن چوربا وصالچه احضار ایتیمکی اونوتمه ملیدر ... » حالبوکه بو ، ات صوبی دکل ، بلکه طموز یاغی در . برقاج دفعه اولدی بو اعلانی کوزیورر . مسلمان قرداشلریمزک رمضان مبارکده بو کبی طموز یاغندن اعمال ایدلمش اولان مذکور دانهلر ایله افطار ایتیملرینه بر درلو صبر ایدمه میهرک حقیقت حالی یازمق مجبوریتنی حس ایتدک . متعدد دفعه لر ، بو ات صوبی دانهلرینی اعلان ایدن موسیو قورک فابریقه سنده بولندق . بو دانهلرک دروننده اصلا ات صوبی اولیوب صرف طموز یاغندن عبارت اولدیغنی بالذات کوردک . سبیل الرشاد جریده اسلامیه سنک بو حقیقتی مسلمان قرداشلریمزه اعلان ایتیمسنی رجا ایدرز .

آلمانیا ده هایلبرون فابریقه لرنده تحصیلده بولان مسلمانلردن

محمد فوزی ، احمد ابراهیم

شیراز

دارالخلافه :

رصابای شرعی . — مسلم اولان کیمسه لر ایچون عذر شرعی بولندقجه شهر رمضانده نقض صیامه تصدی محرمات دینه دن اولوب بونک مسئولیت معنویه سی پک عظیم اولدینی کبی بوباده کی میالانمزلفک علماً اجرایی ده زیاده عقوبتی مسنلزم و بوکی مجاهیرینک قانون جزانک ۹۹ نجی ماده سنه توفیقاً اجرای مجازاتی حقننده مقدما مجلس وکلا قراریه شرف صادر اولان اراده سنیه جناب پادشاهی حکم منیفنک تطبیق و اجرایی امر متعتم اولدینی وطائفه نسادن تشرع عدم رعایتله آداب و شعائر اسلامیه بی محافظه ده تصور اینلر کوریلور ایسه منی حقننده ضابطه جه تدابیر حکیمانه اتخذیه احسیات اسلامیه نک رنجیده ایدلسنه میدان ویرلمه سی واجباتدن بولندینی مقام منیخت عیادن بیلدیرلشدیر .

عثمانی — ایتالیان محاربه سی :

آئیده کی معلومات دارالجهادده کی اسلام قوماندانلرینک اشعاری اوزرینه حربیه نظارتندن عثمانی اژانسنه تبلیغ ایدلشدیر :

بوفا کولته ده ۲۹۱ طلبه و طالبات واردر .

ایکنجی شعبه ده کی طلبه و طالبات یکونی ۸۳ در . بونلردن ۴۷ ذکور ۳۶ انادر . ۴۷ نک ۴۴ ی طلبه اصلیه ، ۳ ی سامعین در . ۳۶ انادن ۲۸ ی طالبات اصلیه ، ۸ ی سامعه در .

اوچنجی سنه ده ۱۴۹ شاگرد اولوب بونلرک ۷۶ سی ذکور ۷۳ ی انادر . ذکورک ۶۳ ی طلبه اصلیه ، ۱۳ ی سامعین در . انانک ده ۵۷ سی اصلیه ۱۶ سی سامعه در . شوخالده بوفا کولته نک یکونی ۲۹۱ در . § فیزیک و ماته ماتییک فا کولته سی حکمنجه بوده بروجه اتی شعباته انقسام ایدر : ریاضیات و حکمت طبیعی شعبه سی ، کیمیا شعبه سی تاریخ طبیعی شعبه سی .

برنجی شعبه ده بش سامعین اولمق اوزره ۹۷ ی ذکور ، دردی سامعات اولمق اوزره ۲۴ انانک واردرکه یکونی ۱۲۱ در .

ایکنجی شعبه ده : ایکینی سامعین اولمق اوزره ۷۸ ذکور سکر انانک واردرکه مجموعی ۸۶ در .

اوچنجی شعبه ده : اوچی سامعین اولارق ۴۵ ذکور ایکی سامعه اولمق اوزره ۳۹ انانک واردرکه یکونی ۸۴ در . شوخالده بوفا کولته نک مجموعی ۲۹۱ در .

§ حقوق فا کولته سی : بوفا کولته ده ۸۱۶ طلبه اصلیه ، ۱۶۰ سامعین اولمق اوزره ۹۷۶ ذکور ؛ دردی اصلیه دردی سامعه اوله رق ۸ انانک واردر .

دارالفنونده بولان طلبه نک مجموعی ۱۸۵۹ در .

بلغارستانده صنایع مکتبیری :

بوده ایکی قسمدر : بریسی رشدی درجه سنده فقط عملی اولان

مکتبیر ، دیکری ده اعدادی درجه سنده کی مکتبلردر .

اعدادی درجه ده صنعتی متعلق اولان اون مکتب واردر . بونلردن

۳ ی تجارت ، ایکینی ده میرچی ، ایکینی زراعت ، بری طوغرامه جی ،

بری شکرله جی . بریسی ده یمش باغچه سی و باغچی مکتبلریدر .

صنعتی متعلق اولوبده رشدی درجه سنده اولان ۱۰۲ مکتب

واردر . بونلردن سکسان طقوزی باشلیجه مکتب اون اوچی ده محلی

مکاتب رشیدیله رنه مربوطدر . بونلرده شووجهله انقسام ایدیور :

تجارت مکتبی ، لکتریک مکتبی ، طوغرامه جی ، سبتجی ،

شکرله جی ، شاپقه جی ، چیچکجی ، عمومی زراعت ، باغچی و یمشجی ،

ایکجی ، اداره بیتیه مکتبی .

صنعتی متعلق اولان مکتبلرده ده دیکرلری کبی هم ذکور ، هم

انانک موجوددر .

بلغارستانده کور و دیلسزلر مکتبی :

کورلر مکتبده ۳۸ ذکور ، ۴۸ انانک واردرکه جماعاً ۸۶ در .

دیلسزلر مکتبده ۲۷ ذکور ، ۱۲ انانک اولمق اوزره ۳۹ طلبه

واردر . بونلرک یکونی ۱۲۵ در .

طرابلس غرب :

۲ اغستوس . — آيك ايكنجى كوني صباحى اوج قطعه عسكريه مفرز دشمن اردوسى زواره دن خروج ومقشيه اوزرينه يورييه رك اردوكا همزه بك ياقين برمسافيه تقرب ايتدى ودرحال شديد بر محاربه باشلادى ، فقط مجاهدينك مقاومتى قارشينده دشمنك مساعيسى بوشه چقمشدر . ايتاليانلر آلا تورقه ساعت سكر بجه قدر مواقعمن اوكنده قالمشلسده بالاخره رجعت وعسكرلرمن طرفندن زواره بجه لرينه قدر تعقيب اولنديلر . شمدى بوتلغرافى كوندرديك زمانه قدر طرفزدن ۴ شهيد و ۱۸ مجروح واردلر . واحده كوريلن دشمن مقتولينك عددى يوزى تجاوز ايكنده در . شهرك معتبرانندن اولان زواره بلديه رئيسى نوزك اوتوزنجى كوني ياننده معبى اركانندن ايكي كشي اولدني حالده دشمن اردوكاهنه كچمشدر . مجاهدينك كافهسى بوحركت دناشكارانه يي قلمين وكنديلرينك دائما صادق قاله جقلىنى تأمين ايتكمده درلر .

دره :

۳ اغستوس . — دره ايتاليان اردوكاهنك اون بش كوندنبرى فاصله ايله بومباردمان ايدلىكى و دشمنك مقابل آتشنندن هيچ ضرر كورلمديكى ويكرى اتى نموزده ياييلان بومباردمانده شرانلرك تماما دشمن بارقه لرى اوزرنده باطلا دينى و دشمنك دكزدن واستحكاماندى يكرى دوت طوب ايله ايكي بچى ساعت متلاشى وغير منتظم انداخت ايتمش ايسده طوبچيلرمنه ضرر ويرمديكى وانجق ايكي طوبچى نفرينك مجروح اولدني وانداختك نظام سزاني دشمنك بومباردماندى بك متأثر اولدني كوسترديكى وقوماندا نلرله عسكرك محفوظ محلله جكلكرى بنغازى وحوالىسى قوماندانلغندن مورود ۳ اغستوس ۳۲۸ تاريخلى تلغرافنامه ده بيلدبرلمكده در .

طبرق :

۲۵ تموز . — على الصباح دشمنك اوج طياره سى طبرق ايلرى قره غول وخسته خانه مواقفى كشف واشارت ويرمى اوزرينه باسيل وغوره استحكاملرندن عساكر عثمانيه ومجاهدين قراركاهى بومباردمان ايدلش ايسده هيچ برضررى موجب اولماشدر . طياره لردن آتيلان يكرى قدر بومباردى يديسى باطلا بهرق طوبلاشمدر . خسته خانه يه آتدينى بومباردن برى خسته خانه نك ۲۰ متروقرينده و ايلرى قره غولرله آتدينى بومبارك اوجى قره غول جوارنده باطلا مش ايسده بركونا ضرر ابراث ايتكمشدر .

منقرو :

لدى الاجاب اعزوه استقرول . — پارس : ايتاليا ايله مذاكرات صلحيه شايعاتى اوزرينه محلى عرب رؤسائىك ايجانده طرابلسك استقلالانى اعلان وكندى كنديلرينه حربه دوام ايدجكلى طرابلسدن آژانس هوا سياه يازيلور . تورك ضابطلرى عربلرله قالى وعد ايتلمشدر . § درنه دن تلغراف : طرابلس غرب وحوالىسينده بولونان مجاهدينك كافهسى آوروپانك مداخله سى نه درجه يه وارسون ، ايتاليانلرك حركانى نه قدر اشتداد ايلرسه ايلرسون طوبراغى كندى قائلرله بويانان مملكتلرندن تطمناً فراغت ايتامكده بكدل ويكيزبان اوله زق متفقدلر . بوراده كى عثمانى امراء وضابطائىك دائما ترقيات زراعيه واقتصاديه صرف غيرت واهتمام ايتلرى قوماندان عمومى ايله رفاقتنده كى بوتون ضابطائىك دخى مجاهدينك بوفكرينه تماماً مشترك اولديفته ايك قطعى بر دليل اولوب بوحوالده اوزون مدت اقامتى اختيار ايدجكلى ده كوسترمكده در . جله سى ايتاليانلرك سواحل تحت اشغال آلمرينه اصلاً نظر اهميت عطف ايتامكده وبوحاللك اوزون زمان يسورميه جكنه قانع بولونمكده درلر . برده شوراسى معلوم اولسون كه طرابلسيلرك قبول ورضالرينه اقتران ايتيه جك اولان هر برتشيك ذرتما قائده سى اولاميه جقدر .

اعلام : مرعشده قباياشلى مدرسه سنده قيرمه جى زاده حاجى محمد سعيد افنديك دلالت حيتبورانه سيله مرعش اصحاب حيتى طرفندن طرابلس مجاهدين اسلاميه سى نامنه ۱۱۵۸ غروش طوبلامش ، محلته كوندرك اوزره حربه نظارنه تسليم ايدلمشدر .

هندستان :

لنبر مسلمانلرينك تمنايى . — غربى هندستانده كاشن (كوراجى) شهرندن استانبول مطبوعاتنه آتيدى كى تلغرافنامه ورود ايتلمشدر : « بوراده كى اسلاملر طرفندن عقد اولنان برمتينده ممالك عثمانيه ده حكم فرما اولان فرقه منازعاتى موافق مصلحت كورليوب تنقيد ايدلش وعموم عثمانى دين فرداشلرندن حال حاضرده اختلافات داخلينك برطرف ايدلسنى ورضائى عالي حضرت خلافتپناهى دائره سنده اتحاد وائفاق ايتلرلى رجا واسترحامه قرار ويرلش واخلافاتك يهوده دواى هندستانده كى اهل اسلامك تركيه حقنده پرورده ايدلىكى توجهات عظيمه ايله قابل تأليف كورلمشدر .

امضا : متينغ رئيسى : مير يعقوب خان

۳۵ يك مهرى . — هلال عثمانى رفيقمزده اوقونديفته كورده هندستانك كشمير ولايتنده كى اوتوز بش بيك هندلينك دين ميين اسلامى قبول ايتدكلى موثوقاً خبر ايتلمشدر .

آثار منتشره

فك اك صوك كشفياتندن

مملكتتمزده فنى و علمى اثرلرك نشر وتعميمنه نه قدر احتياج اولدني شبهه سزدر . ملتى قورتاره جق فضائل اخلاقيه ايله ترقيات فنيه در . فك هر كونه ها سرعتملى خطوملرله ايلرله ديكي حالده مع التأسف محيطمرك جدى اثرلره قارشى اودرجه رغبت كوسترمه سى نتيجه سى اوله رق ترقيات فنيه دن بسبتون بيكانه بولنيورز ، يهوده لقلقيات صرف ايديله جك قيمتدار زمانلرى ، علمى وفنى بر اثر مطالعه سنده حصر ايدى رك تنوير فكره جاليشيرسوق وظائى بشريه مزى دها كوزل ايضا ايتمش اولورز . بوكى آثار مطالعه سى يالكنز ارباب فنه مخصوص قالميليدر . هر كسكده ترقيات عصريه دن خبردار اولسى ايجاب ايدر . بونك ايچون عمومك آكلايه جنى طرزده يازلمش اثرلره احتياج وارددر . ايشته جريده من هيئت تحريريه سندن م . شمس الدين بك افنديك بودفعه (فك اك صوك كشفياتندن) عنوانيله نشر ايتديكى قيمتدار كتاب بو احتياجه قارشى قلمه آلمشدر .

بو كتاب ممكن مرتبه آچيق يازلمش ، مباحث لازمه نك قولايجه آكلاشمه سى ايچون اوتوز درت قدرده شكل علاوه ايدلمشدر . مكتب ومدارس علميه مداومى اترك مطالعه سندن بك چوق استفاده ايدميه سله جكلى كى ، فك مخترعات حيرت انگيزندن خبردار اولمق ايسته ين هر كس ده كتابده مراقى تسكين ، فكرينى تنوير ومعلمه كى كوريلن شيلرى حل ايتديرمه جك اساسلى وقطعى معلومات بوله ييلور . كتابك مندرجاتى اعلانات قسممزده تماميله مندرجدر .

سبيل الرشاد ۱-۸ نجى جلدينك ختامى

مدير مسئول : اشرف اريب